



ŪTEITHIO UUMĪTE MATU-INĪ

RĪANDĪKĪTWO NĪ
WATSON GOODMAN

KABUKU GAKA
TIGAKWENDIO

Kabuku gaka “ŨTEITHIO UUMĪTE MATU-INĪ” gathondeketwo karĩ kanyinyi nĩguo ũhote gũgakua mũhuko-inĩ waku ũgathomage rĩrĩa ũtarĩ na wĩra ũraruta kana wetereire ngari. Maũndũ marĩa maandĩkĩtwo ho mathurĩtwo kuuma thĩinĩ wa Ibuku rĩa Ngai tondũ nĩho hangĩoneka ciugo itarĩ mũndũ ũngĩcikararia.

Mũgambo wa Ngai “uumaga matu-inĩ” naguo nĩ wa bata mũno harĩ ngoro ciitũ iria ihũtiĩ o na ikanyota nĩ ũndũ wa ũthingu wa ngoro. Mũndũ o wothe arĩkia kũhera mehia make na ma, na etĩkia Mũhonokia, o We Jesu Kristo, na ngoro yake yothe-rĩ, Mwathani nĩarĩmwĩyonithagia thĩinĩ wa ngoro yake o na amũhe gĩkeno gĩake na thayũ thĩinĩ wa mwĩtikia ũcio. Ndahonokirio nĩ Mwathani 1937, na kuuma hĩndĩ io ndũũraga tũrĩ na ngwatanĩro nake. Nĩngũkũringĩrĩria na ngoro yakwa yothe atĩ wakorũo ũtarĩ wahonokio nĩ Mwathani ũhonokio o RĩU, tondũ nĩwe ũhonokagia ehia othe.

— Watson Goodman (1920-2002)

Jeremia 31:3

Nake Jehova aanyumĩrĩire kũu kũraya akĩnjĩra ũũ: Ti-itherũ ngwendete wendo ũrĩa ũtũũraga tene na tene; tondũ ũcio no ngĩrĩ-rĩirie gũgwĩka maũndũ ma ũtugi.

Johana 3:16

Amu Ngai, tondũ wa ũrĩa en-dete kĩrĩndĩ gĩa gũkũ thĩ, nĩaarutire Mũrũ wake wa mũmwe, nĩ getha mũndũ o wothe ũmwĩhokete ndakore, no agĩe muoyo wa tene na tene.

Aroma 5:8

No rĩrĩ, ũndũ ũrĩa Ngai onanĩtie ũtwendi wake naguo-rĩ, nĩ ũyũ,

atĩ Kristo aatũkuĩrĩire rĩrĩa twa-tũire tũrĩ o ehia.

Johana 13:1

Na rĩrĩ, gĩathĩ kĩa Bathaka gĩa-tua gũkinya, Jesu nĩoi hingo yake nĩ nginyu oime gũkũ thĩ athĩ gwĩ lthe witũ, na tondũ nĩendete andũ ake mwene arĩa maarĩ gũkũ thĩ, nĩ kũmenda aamendaga nginya o kĩrĩkĩrĩro.

Kũguũrĩrio 1:5

Na kũrĩ Jesu Kristo, mũira ũrĩa mwĩhokeku, o we irigithathi rĩa arĩa akuũ, na nowe mwathi wa athamaki a thĩ. O we ũcio ũtwenda, na watuohorire na thakame yake tuume mehia-inĩ maitũ.

1 Timotheo 3:16

Na rīrī, hatirī nganja atī ūhoru wa kwīamūrira Ngai nī hitho nene ma: naguo nī wake o We, Ūrīa wonanirio e na mwīrī, Agī-tuwo mūthingu nī Roho, Akīo-nwo nī araike, Ningī ngumo ya-ke ikīhunjanirio kūrī andū a ndūrīrī ciothe, Agīgītīkio nī andū a gūkū thī, Na akīiyūkio riri-inī kūrīa Igūrū.

Johana 1:1 na 14a

O kīambīrīria-rī, Ūhoru warī o kuo, naguo Ūhoru watūire o harī Ngai, o naguo Ūhoru warī o Ngai. . . We, Ūhoru-rī, agīgī-tuika mūdū, agītūūrāna na ithuī. . .

Mathayo 1:22, 23

Na rīrī, maūdū macio meki-rūo nī getha ciugo iria cioigirūo nī Mwathani na kanua ka mūna-bii ikinye, rīrīa oigire atīrī: Onei, mūrītu nīakagīa ihu, na aciare kahīi, Nako gatuwo Imanueli; ūguo naguo ūgītaūrūo, nī kuuga, Ngai hamwe na ithuī.

Johana 14:9, 10a

Nake Jesu akīmwīra atīrī, Gi-thī ndūire na inyuī hingo iigana ūū, nawe, Filipu, ūkaaga kū'me-nya? mūdū ūnyonete nī nīonete Ithe witū; nī atīa tondū wanjīra, Tuonie Ithe witū? Kaī ūtetīkītie atī nī ndī thīnī wa Ithe witū, nake Ithe witū e thīnī wakwa? . . .

Akolosai 2:9

Nĩ gũkorũo ũiyũru wothe wa Ũngai nĩtũire thĩinĩ wake arĩ na mwĩrĩ.

Isaia 9:6

Nĩ gũkorũo nĩtũciarĩrũo kaa-na, tũkaheo kahĩĩ, nagueo wathani ũkagĩa ciande-inĩ ciako; nako ga-getagwo Mũheani-Kĩrĩra-wa-Kũ-geganĩa, Mũrungu-Mwene-Hinya, Ithe-wa-Andũ-wa-Tene-na-Tene, Mũnene-wa-Thayũ.

Luka 1:35

Nake mũraika akĩmũcokeria akĩmwĩra atĩrĩ, Roho Mũtheru nĩagoka kũrĩ wee, nagueo hinya wa Ūrĩa-wĩ-Igũrũ-mũno nĩũga-

kũringithia kĩĩgunyĩ: na nĩ ũndũ wa ũhoru ũcio, karĩa gagaciarũo nĩgagatuwo gatheru, o Mũrũ wa Ngai.

Mathayo 17:5

O akĩaragia-rĩ, hagĩũka itu rĩ-kengu, rĩkĩmahumbĩra: na atĩ-rĩ, mũgambo ũkiuma itu-inĩ, ũki-uga atĩrĩ, Ūyũ nĩwe Mũrũ wakwa ũrĩa nyendete mũno, nĩngenaga mũno nĩwe; mũiguagei.

1 Johana 4:15

Mũndũ o na ũrĩkũ wa gwĩtĩkia atĩ Jesu nĩ Mũrũ wa Ngai-rĩ, Ngai nĩatũire thĩinĩ wake, nake nĩatũire thĩinĩ wa Ngai.

Johana 8:23

Nake akimera, Inyuĩ mūrĩ a na thĩ, nĩ ndĩ wa na igūrũ; inyuĩ mūrĩ a gūkũ thĩ, nĩ ndirĩ wa gūkũ thĩ.

Johana 11:25

Nake Jesu akimwira atĩrĩ, Nĩ nĩ kũriũka na nĩ nĩ muoyo; ũrĩa wĩ'hokete nĩ, o na aakua, no agatũura muoyo.

Johana 8:58

Nake Jesu akimera, Ndamwira atĩrĩ, o ma, ma, Iburahimu ataa-naciarũo-rĩ, nĩ no ndũire.

Johana 4:25, 26

Nake mūtumia akimwira atĩrĩ, Nĩnjũ Mesia nĩagoka (ũrĩa wĩ-tagwo Kristo); we oka, nĩagatwĩ-

ra maũndũ mothe wega. Jesu akimwira atĩrĩ, Nĩ ngũkwarĩria, nĩ nĩ ũcio.

Johana 6:35

Nake Jesu akimera atĩrĩ, Nĩ nĩ mũgate wa muoyo; mũndũ ũũkĩte kũrĩ nĩ ndakahũta, na mũndũ wĩ'hokete, nĩ, ndarĩ hingo akanyota.

Johana 10:7

Tondũ ũcio, Jesu agĩcoka akimera atĩrĩ, Ndamwira o ma, ma, Nĩ nĩ kĩhingo kĩa ng'ondũ.

Johana 13:13

Mũnjĩtaga Mũrutani, na mũkanjĩta Mwathani; na nĩ wega mũkiuga ũguo, amu nĩguo ndĩ.

Mathayo 14:19-21

Akĩira kīrīndī gīikare thī nye-ki-inĩ; nake akĩoya mĩgate ĩo ĩtano, o na ciũngũyũ icio igĩrĩ, akĩrora Igūrũ, akĩrathima, akĩe-nyūranga mĩgate, akĩmĩnengera arutwo ake, nao arutwo makĩmĩ-nengera kīrīndī. Nao andũ acio othe makĩrĩa, makĩhũna: makĩoya cienyũ iria ciatigarire ciondo ikũ-mi na igĩrĩ ciyũire. Na arĩa maarĩire maarĩ arũme ta ngiri ithano, hatatarĩtwo andũ-a-nja na ciana.

Luka 5:4-6

Na aatiga kwaria, akĩira Simoni atĩrĩ, Ta twaratwara marikabu harĩa hariku, mũikūrũkie ngara cianyu cia ndigi iria-inĩ mũtahe

ciũngũyũ. Nake Simoni akĩmũco-keria akĩmwĩra atĩrĩ, Mũnene wĩtũ, nĩtũrutire wĩra wa hinya ũtu-kũ wothe, na tũtinagwatia kĩndũ o na kĩ: no rĩrĩ, nĩ ũndũ wa kiugo kĩu gĩaku nĩngũikūrũkia ngara iria cia ndigi. Nao maarĩkia gwĩka ũguo, magĩtaha ciũngũyũ nyingĩ ma; nacio ngara ciao cia ndigi igĩtuĩkatuĩka.

Mathayo 21:19

Na ona mũkũyũ njĩra-inĩ, agĩ-thiĩ harĩ guo, na ndaigana kuona kĩndũ tiga o mathangũ matheri; nake akĩwĩra atĩrĩ, Maciaro ma-roaga gũcoka gũciarũo nĩwe ngi-nya tene. Na kahinda o kau mũ-kũyũ ũcio ũgĩitĩka kũhoha.

6 JESU KRISTO NĪ MŪŪMBI O NA MWATHANI

Ahibirania 1:2

Ngai. . . o matukũ-inĩ maya ma kũrigĩrĩa nĩatwarĩirie ithuĩ na kanua ka Mũriũ, ũrĩa aatuire mũgai wa kũgaya indo ciothe; o nacio thĩ ciothe aaciũmbire na njĩra ya Mũriũ o ũcio.

Atũmwo 2:36

Tondũ wa ũguo andũ othe a Isiraeli nĩmakĩmenye o ki, atĩ Jesu o ro ũcio inyuĩ mwaambithirie mũtĩ igũrũ, nĩwe Ngai atuĩte Mwathani o na Kristo.

Aroma 14:9

Amu ũhoru ũyũ nĩguo watũmire Kristo akue na acoke muoyo, atĩ nĩguo atuĩke Mwathani o

wa arĩa maanakua na wa arĩa marĩ muoyo.

Johana 1:3

Indo ciothe ikĩgĩa ciagĩire na ũndũ wake, na kĩndũ o gĩothe kĩrĩa kĩgũite, gũtirĩ kĩagĩire we atarĩ ho, o na kĩmwe.

Akolosai 1:16

Tondũ rĩrĩ, indo ciothe ikĩũmbwo nĩciombirũo na ũndũ wake, iria irĩ Igũrũ, o nacio iria irĩ thĩ; iria cionekaga o na iria itonekaga; o na ciatuĩka nĩ itĩ cia ũnene kana ene wathani, kana mothamaki, o na kana mahinya, ciothe-rĩ, nĩ kũũmbwo ciombirũo na ũndũ wake, nĩguo ituĩke ciake.

Aroma 2:16

Gũkonwo ũguo mũthenya ũrĩa
Ngai agakinyia cira wa maũndũ
ma hitho marĩa me ngoro-inĩ cia
andũ, ekĩre ũhoru wamo ituĩro
e thĩinĩ wa Jesu Kristo, o ta ũrĩa
Ūhoru-ũrĩa-Mwega uugĩte, ũcio
nĩ 'hunjagia.

Johana 5:22

Amu-rĩ, Ithe ningĩ ndarĩ mũ-
ndũ atuagĩra cira; ũtui wothe wa
cira-rĩ, nĩanengerete Mũriũ.

Aroma 14:10

Wee nawe ũgũtuĩra mũrũ wa
thoguo nĩkĩ? Wee o nawe-rĩ, nĩ
kĩ gĩgũtũma ũmene mũrũ wa

thoguo? Amu-rĩ, ithuothe no mũ-
haka tũkarũgama mbere ya gĩtĩ
kĩa Ngai gĩa ituĩro.

2 Timotheo 4:1

Ndakwĩra atĩrĩ na ma, Ngai
arĩ ho, o nake Kristo Jesu, o we
ũrĩa ũgacirithia andũ arĩa marĩ
muoyo o na arĩa makuĩte, na nĩ
ũndũ wa ũrĩa akaguũranĩrio na
athamakage.

Mathayo 25:32

Na ndũrĩrĩ ciothe nĩikonganio
mbere yake: nake nĩagaciamũra-
nia, o ta ũrĩa mũrĩithi aamũrana-
gia ng'ondũ na mbũri.

Johana 10:9

Nĩ niĩ kīhingo; mūdũ aatonyera harĩ niĩ, nĩ kūhonoka akahonoka, na atonyage akiumaga, na onage gĩa kūrĩa.

Johana 14:6

Nake Jesu akīmwiira atĩrĩ, Nĩ niĩ njĩra, na nĩ niĩ ūhorō-ūrĩa-wa-ma, na nĩ niĩ muoyo; gūtĩrĩ mūdũ ūkinyaga gwĩ lthe witũ, atokĩire harĩ niĩ.

Ahibirania 7:25

Ningĩ nĩ ūndũ wa ūguo, nĩa-hotaga kūhonokia kūna kūna andũ arĩa makuhagĩrĩria Ngai mathiĩ-rĩire harĩ we, kuona atĩ atũũraga muoyo hĩndĩ ciothe nĩguo amahoyagĩre.

Ahibirania 5:9

Na aakĩrĩkia gũtuwo mwagĩrĩru kūna, agĩtuĩka kīhumo kĩa ūhonokio ūrĩa ūtagathira kūrĩ arĩa othe mamũiguaga.

Johana 8:24

Nĩkĩo ndamwiira nĩ gũkua mũgakua mūrĩ o na mehia manyu; amu mwaaga gwĩtĩkia atĩ nĩ niĩ ūrĩa we, mũgakua mwĩ na mehia manyu.

Atũmwo 4:12

Naguo ūhorō wa kūhonokio ndũngĩoneka harĩ ūngĩ o na ūrĩkũ: nĩ ūndũ atĩrĩ, gūtĩrĩ rĩitwa rĩngĩ rĩanaheanwo gũkũ thĩ kūrĩ andũ rĩngĩagĩrĩra rĩa gūtũhonokia.

Kūguŭrīrio 5:9

Na hīndī ūo makīina rūimbo rūerū, makiuga atīrī, Wee-rī, nīwe mwagīrīru wa kūiyūkia mbuku, ūmethūre tūtembe tūu twayo, amu nīwathīnjirūo, ūkīgūrīra Ngai andū na thakame yaku a mīhīrīga yothe na mīario yothe na nduka ciothe na ndūrīrī ciothe.

Akolosai 1:12-14

Na ningī mūcokagīrie Ithe wītū ngatho, we ūtūtūite andū aiganīru a kūgayanīrio igai hamwe na andū arīa aamūre, kūrīa kwī na ūtheri. Nake nīwe watūhonokīrie agītūruta watho-inī wa nduma, agītūthamīrīria ūthamaki-inī wa

Mūriū ūrīa endete mūno. Ūcio nīwe watūkūūrīre, nī gūtūrekera mehia maitū.

1 Akorintho 1:30

No rīrī, nī tondū wake inyūi mūtūikīte a gūikara thīnī wa Kristo Jesu, o we watūikire ūūgī witū uumīte kūrī Ngai, na ūthingu witū, na gūtherio, o na gūkūūrūo.

Tito 2:14

Nake nīwe werutire nī ūndū witū, nī getha atūkūūre waganu-inī wothē, na atherie andū a gūtūika ake kīūmbe, arīa marī na kīyo gīa gwīkaga maūndū mega.

1 Petero 1:18, 19

Nĩ ūndũ nĩmũũĩ atĩ rĩrĩa mwa-kũũrirũo mūtigane na mītũũrĩre yanyu ya tũhũ ĩrĩa mwatigĩrũo nĩ maithe manyu, ti indo ibuthaga ta betha na thahabu mwakũũrirũo nacio; no nĩ thakame ya goro mũno, ta ya gatũrũme gatarĩ na kaũũgũ o na kana kĩmeni, na nĩyo thakame ya Kristo.

Mathayo 26:28

Nĩ gũkorũo ĩno nĩyo thakame yakwa ya kĩrĩkanĩro ĩrĩa ĩtĩirũo andũ aingĩ, ya gũtũma mehia mohanĩrũo.

Ahibirania 9:14

Githĩ thakame ya Kristo, o we werutiire Ngai, atarĩ na kaũũgũ,

na ūndũ wa Roho ũrĩa ūtũũraga tene na tene-rĩ, ndĩngĩkĩria mũno kũmũtheria thamiri cianyu nĩguo mūtigane na ciiko iria irehage gĩkuũ, na mūtungatagĩre Ngai ũrĩa wĩ muoyo?

1 Johana 1:7

No akorũo tũthiaga o na ūtheri, ta ũrĩa we arĩ ūtheri-inĩ, twĩ na ngwatanĩro, mũndũ na ũrĩa ũngĩ, nayo thakame ya Jesu Mũrũ wake nĩtũtheragia tũgathira wĩhia wothe.

Aefeso 1:7

Na nĩ thĩinĩ wake twakũũrirũo, nĩ ūndũ wa thakame yake, o na tũkoherũo mehia maitu kũringana na ũrĩa Wega wake ũingĩhĩte.

Johana 20:31

No icio nīciandīkīt看 nī getha mwītīkie atī Jesu nīwe Kristo, Mūrū wa Ngai; na tondū wa gwītīkia mūgīe na muoyo na ūndū wa rītwa rīake.

Johana 6:28, 29

Nao magīkīmūūria atīrī, Twīkage atīa, nīguo tūtūike nī mawīra ma Ngai tūraruta? Nake Jesu agīcokia akīmera, Wīra wa Ngai nī rīrī, nī mwīhoke ūrīa areketie.

Aroma 5:1

Ni ūndū ūcio-rī, kuona atī nī-tūtūitwo athingu nī ūndū wa gwītīkia-rī, nītūikarage o tūiguaine

na Ngai nī ūndū wa kūiguithanio nake nī Mwathani witū Jesu Kristo.

Aefeso 2:8, 9

Nī ūndū-rī, nī Wega wa Ngai watūmire mūhonokio nī ūndū wa gwītīkia; naguo ūndū ūcio ndwo-imanire na inyuī inyuene: no kūheo mwaheirūo nī Ngai: na ndwakumanire na mawīra marīa mwanaruta, nī getha mūndū o wothe ndakanegooce.

1 Johana 5:4

Nī gūkorūo kīrīa gīothe gīciarīt看 nī Ngai nīgītoragia ūhoru wa gūkū thī; naguo ūtoria ūrīa ūtoretie ūhoru wa thī nī atīrī-rī, nī gwītīkia gwitū.

Thaburi 103:17

No rĩrĩ, ūtugi wa Jehova ūtũũ-
raga harĩ arĩa amwĩtigĩri kuuma
o tene na nginya tene na tene,
naguo ūthingu wake ūkinyagĩrĩra
ciana cia ciana ciao.

Tito 3:5

Nĩ kũhonokia aatũhonokirie, ti
tondũ wa ciĩko iria tweekaga ithue-
ne cia gwĩtua athingu, no nĩ ūndũ
wa tha ciake, nĩ gũtũthambia o
gũthambio kũrĩa gũtũmaga mũ-
ndũ aciarũo rĩngĩ na erũhio na
Roho Mũtheru.

Mika 7:18

Nĩ Mũrungu ūrĩkũ ūtariĩ tawe,
ũrĩa wohanagĩra ūũru, o na aga-

kiranĩra ūũru wa kwagarara wa-
tho wa matigari ma andũ ake, o
arĩa egwatĩire igai?

Macakaya 3:22, 23

Atĩ nĩ ūndũ wa mĩtugĩre ya
Jehova, nĩkĩo tũtaninĩtwo biũ!
nĩ gũtuĩka tha ciake itirĩ hĩ-
ndĩ ithiraga. Mĩtugĩre yake ĩro-
kaga ĩrĩ o mĩerũ rũcinĩ o rũci-
nĩ; kwĩhokeka gwaku-rĩ, nĩ kũ-
nene mũno.

Thaburi 108:4

Nĩ gũkorũo ūtugi waku nĩ mũ-
nene, ūgakinya o mbere ya igũrũ,
ningĩ ūhoru waku wa ma ūgagĩ-
kinya o kũrĩa matu-inĩ.

Mathayo 11:28

Ūkai kūrī nī inyuothe anogu,
na inyuī mūtīkīte mīrigo mīne-
ne, na nīngūmūhurūkia.

Isaia 1:18

Rīu-rī, gīūkei tūcire; ūguo nī-
guo Jehova ekuuga. O na harīa
mehia manyu matunīhīte ta gaka-
rakū-rī, nīmagathera o ta ira; o
na maatuīka matunīhīte o ta tha-
kame, nīmakerūha o ta guoya wa
ng'ondū.

Isaia 55:1

Atīrīrī, inyuī inyuothe arīa
mūnyotīī-rī, ūkai māī-inī. O nake
ūrīa ūtarī na mbia nīoke; gūrai
irio, mūrīe. Īī-ni, ūkai mūgūre

ndibei, o na iria, mūtārī mbia
mūkūruta, o na kana kīndū gīa
thogora.

Kūguūrīrio 22:17

Nake Roho o nake mūhiki me-
kuuga, Ūka. Nake ūrīa ūkūigua
nīoge, Ūka. Nake ūrīa ūnyotīī,
nīoke; o ūrīa ūkwenda, nīamū-
kīre māī marīa ma muoyo, ate-
kūgūra.

Johana 7:37

Na rīrī, mūthenya wa kūrīkī-
rīria, nīguo mūthenya ūrīa mū-
nene wa gīathī kīu, Jesu nīaarū-
gamire, akīanīrīra, akiuga atī-
rīrī, Mūndū ūnyotīī-rī, nīoke
kūrī nīī, anyue.

Aroma 8:14, 15

Nĩ gũkorũo andũ arĩa othe matongoragio nĩ Roho wa Ngai, acio nĩo ciana cia Ngai. Amu mũtiaheirũo roho wa gũtũma mũcoke kũigua ta mũrĩ ngombo, mwĩtigagĩre; mwaheirũo roho wa gũtũma mũmenye atĩ mũrĩ ciana ciake cia kwĩrererũo, na nĩguo ũtũmaga twanĩrĩre tũkoiga, Abba, Baba!

Afilipi 2:15

Nĩ getha mũtuĩke andũ mata-ngĩcukĩka na maagĩte ũũru, o ciana cia Ngai itarĩ na kaũũgũ, mũtũũranĩtie na andũ a rũciaro rũrĩ ruogomu na rũtũrĩku; na rĩrĩa mũrĩ hamwe nao, muonagwo

ta mũrĩ motheri-ma-igũrũ ma-theragĩra gũkũ thĩ.

Johana 1:12

No arĩa othe maamwĩtikĩrĩre, nĩo arĩa mehokete rĩitwa rĩake, acio akĩmahotithia gũtuĩka ciana cia Ngai.

2 Akorintho 6:17, 18

Tondũ wa ũguo-rĩ, Umai thĩinĩ wao, mũikare mwĩamũrĩte kũrĩ o, ũguo nĩguo Mwathani oiga, Na mũtikanahutie kĩndũ kĩĩ tha-hu; Na nĩ nĩngũmwĩtikĩra, Na nĩngũtuĩka Ithe wanyu, O na inyuĩ mũtuĩke ariũ akwa na aarĩ akwa, ũguo nĩguo Mwathani Mwene-hinya-wothe oiga.

Thimo 20:1

Ndibei nī mūndū mūtendi, njohi-rī, nī mūndū wa ngūī, nake ūrīa ūngīhītithio nīyo, o ūrīkū, ti mūūgī.

Agalatia 5:19-21

Na rīrī, maūndū ma kīmwīrī marīa mekagwo nīmoīo o wega, namo nī maya: ūmaraya, na merirīria mathūku, na ūūra-thoni, na kūhoya mīhianano, na kūrogana, na ūthū, na kūūgitana, na ūiru, na marakara, na ngarari, na kwamūkana, na morutani mahītanu, ningī gūcumīkīra, na kūrīwo, na maruga marīa mainagī-

rūo nyīmbo itaagīrīire, o na maūndū mangī ta macio: naho ha ūhoru wamo-rī, ngūmwīra na ma, o ta ūrīa ndamwīrire na ma rīa mbere, atī andū arīa mekaga maūndū ta macio, matikagaīrūo ūthamaki wa Ngai.

Thimo 23:31, 32

Atīrī, wee-rī, tiga kūbara ndibei o na yagītunīha, na yakorūo nīirakengakenga īrī gīkombe-inī, na yatuīka nīnyorokaga wega īkīmerūka: Amu mūthia-inī, nī kūrūmana īrūmanaga ta njoka, kūratha īkarathana o ta nduīra.

Mathayo 22:37, 38

Nake akīmūcokeria atīrī, Enda Mwathani Ngai waku na ngoro yaku yothe, na muoyo waku wothē, na gwīcīria gwaku guothe. Rīu nīrīo rīathani rīrīa inene, na rīa mbere.

Mariko 10:17-22

...Mūrutani mwega, nī atīa ingūika nī getha ngagae muoyo wa tene na tene? Nake Jesu akīmūcokeria atīrī, Ūkūnjīta mwega nīkī? gūtīrī mwega tīga o ūmwe, nīwe Ngai. Ndūūī maathani, atī Ndūkanoragane, Ndūkanatharani, Ndūkanaiye, Ndūkanaigīrīre mūdū kīgenyo, Ndūkanahenanie, Tīa thoguo na nyūkwa? Nake

akīmwīra atīrī, Mūrutani, maūndū macio mothe ndūire ndīma-rūmītīe nginya ndī o mūnyinyī. Nake Jesu, aamūrora, akīmwe-nda, akīmwīra atīrī, Nīkūrī ūndū ūmwe ūtigairie: nī rīrī, thū, ūke-ndie indo ciothe iria wī nacio, ūhe arīa athīni, na nīūkagīa na ūtonga Igūrū: na ūūke, ūnūmī-rīre. Nowe agītuka gīthiithi aai-gua ūhoru ūcio, agīthī e na kīeha: nī gūkorūo nī mūdū wa-rī na indo nyingī.

Thimo 16:25

Kwī njīra mūdū onaga ta arī yo nūngarū, no gīturi kīayo nī mīirigo ya gūtonya gīkuū-inī.

1 Johana 3:7, 8a

Twana twakwa, mūtikanareke mūndū amūhītithie; ūrīa wīkaga maūndū ma ūthingu nīwe mūthingu, o ta ūrīa we nake e mūthingu; ūrīa wīhagia nī wa mūcukani, amu mūcukani atūire ehagia kuuma o kīambīrīria.

1 Akorintho 6:9, 10

Kana hihi mūtiūī atī andū arīa mekaga ūūru gūtīrī ūngīgaya ūthamaki wa Ngai? Menyai mūkanaheneka: ahūrimaraya-rī, kana ahoi-mīhianano, kana itharia, kana arīa metuaga ta aka, kana arūme arīa magwataga arūme

arīa angī-rī, kana aici, kana andū a riitho iraya, kana arīa arīu, kana arumani, o na kana ahahanyi-rī, acio othe gūtīrī ūkagaya ūthamaki wa Ngai.

Aefeso 5:6

Menyai mūhenio nī mūndū na ciugo cia tūhū: nī gūkorūo maūndū macio nīmo matūmaga marakara ma Ngai makinyīrīre rūciaro rūrīa rūa andū aremu.

Jakubu 1:22

Indī tuīkai andū a gwīkaga ūhoro ūrīa mūiguīte, na mūtīgatuīke o a kūūiguaga mūtekūwīka, mūkīūhenagia inyuene.

Luka 15:32

No rīrī, nīkwagīrīre tūcanja-mūke na tūkene; nī gūkorūo ūcio mūrū wa nyūkwa ararī mūkuū, na nī mūriūku; ningī nīarorīte, na nīacokete kuoneka.

Thimo 11:19

Ūrīa ūrūmainie na ūthingu, we nīagakinyīrīra muoyo, nake mūthingatani na ūūru nī gūkua gwa-ke mwene athīīgītie.

Ezekieli 18:20

Roho ūrīa wīhagia noguo ūga-kua; no rīrī, mūriū ndagacokere-rūo nī ūūru wa ithe, o na kana

mūthuri acokererūo nī ūūru wa mūriū; ūthingu wa mūdū ūrīa mūthingu nowe mwene ūgacokererūo nīguo, naguo waganu wa mūdū ūrīa mwaganu nowe ūgacokererūo nīguo.

Aroma 8:6

Amu kūrūmīrīra meciria marīa moimanaga na mwīrī kūrehana-gīre gīkuū: no rīrī, kūrūmīrīra meciria marīa moimaga kwī Roho kūrehanagīre muoyo, o na thayū.

Jakubu 1:15

Namo merirīria macio maagīa ihu-rī, maciaraga wīhia: naguo wīhia wakūra-rī, ūgaciara gīkuū.

Johana 11:43, 44

Na aarīkia kuuga ūguo, akīa-nīrīra na mūgambo mūnene, akiuga, Lazaro, uma. Nake ūcio warī mūkuū akiuma, e mūthae moko na magūrū na matama; naguo ūthiū nīaarigicīirio gītambaya. Nake Jesu akīmera atīrī, Muohorei, mūreke athiī.

Johana 10:17, 18

Nīkīo Ithe witū anyendete, nī ūndū ngūruta muoyo wakwa, nī getha njoke ndīūiyūkie rīngī. Gūtirī mūdū ūkūdunya; nī nī ngūūruta, nī mwene. Ndī na rūtha ndīūrute, na ningī ndī na rū-

tha njoke ndīūiyūkie rīngī. Nīndaathirūo ūguo nī Awa.

Kūguūrīrio 1:18

Nī nī Ūrīa-wī-muoyo; na nīndakuīte, na nī nī ūyū, ngūtūūra muoyo kinya o tene na tene, nacio ihingūro nī nī ndī nacio cia gīkuū na cia kwa-ngoma.

Luka 7:14, 15a

Agīthengerera hakuī akīhutia gītanda: nao akuui akīo makīrūgama. Agīcoka akiuga atīrī, Kamwana gaka, nīndakwīra atīrī, Ūkīra. Na rīrī, mūdū ūcio warī mūkuū agīūkūra agīitika kwaria.

Gücokerithia Maathani
5:7-21

Ndũkanagiẽ na ngai ingĩ tiga niĩ.

Ndũkanethondekere mũhianano mwacũhie, wa mũhianĩre wa kĩndũ o gĩothe gĩĩ kũrĩa igũrũ, kana wa kĩndũ gĩĩ gũkũ thĩ, kana wa kĩndũ kĩĩ maĩ-inĩ marĩa me mũhuro wa thĩ; ndũkanaciinamĩ-rĩre kana ũcitungatĩre. . .

Ndũkanagwete rĩitwa rĩa Jehova Ngai waku na itherũ, nĩ gũkorũo Jehova ndakoiga atĩ mũndũ ndehĩtie ũrĩa ũgwetaga rĩitwa rĩake na itherũ.

Menyagĩrĩra mũthenya wa thabaturũ ũwamũrage, o ta ũrĩa Jehova

Ngai waku aagwathire. Rutaga wĩra mĩthenya itandatũ, ũgeka maũndũ maku mothe; no mũthenya wa mũgwanja nĩ thabatũ ya Jehova Ngai waku. . .

Tĩa thoguo na nyũkwa, o ta ũrĩa Jehova Ngai waku aagwathire wĩkage. . .

Ndũkanoragane.

O na kana ũtharanie.

O na kana ũiye.

O na kana ũigĩrĩre mũndũ ũrĩa ũngĩ kĩgenyo.

O na kana ũcumĩkĩre mũka wa mũndũ ũrĩa ũngĩ; kana ũcumĩkĩre nyũmba ya mũndũ ũrĩa ũngĩ, kana gĩthaka gĩake, kana ndungata yake ya mũndũ mũrũme, kana

ya mūdū-wa-nja, kana ndegwa
yake, kana ndigiri yake, kana kī-

ndū o na kī kīa mūdū ūrīa
ūngī.

NDŪNGĪHOTA KWĪHITHA NGAI

21

Luka 8:17

Nī gūkorūo gūtirī ūndū mū-
rinde ūtakonano wega; kana ūho-
ro mūhithe ūtakamenyeka na
uumīrio.

Jeremia 23:24

Anga he mūdū ūngīhota kwī-
hitha handū hahitharu mūno na
njage kūmuona? Ūguo nīguo Je-
hova ekūūria. Githī ndiiyūrīte
kūdū guothe igūrū na thī? Ūguo
nīguo Jehova ekūūria.

Ayubu 34:21, 22

Nī gūkorūo maitho make nī

gūcūthīrīria macūthagīrīria mī-
thīre ya mūdū, agakīonaga ikīro
ciake ciothe. Gūtirī nduma, kana
handū o na hairīte ta gīkuū,
harīa eki a waganu mangīihitha
naho.

Thaburi 139:8 na 12

Ingīhaica ndonye o kūu igūrū,
wee nīkuo ūrī; ingīara ūrīrī wa-
kwa kwa ngoma, ningī ūrī o kuo.
... O na nduma nayo, harī wee ti
nduma kūrī, ūtukū-rī, ūcangara-
raga o ta mūthenya; nduma na
ūtheri no ūndū ūmwe harī wee.

22 ANDU ARĪA EHIA MAGATŪŪRA MAHERITHAGIO

Thaburi 9:17

Andū arīa aaganu-rī, nī gūcoka magacoka kwa ngoma, īī-nī, ndū-rīrī ciothe iria iriganagīrūo nī Ngai.

Mathayo 18:8

Na kūngītuīka atī guoko gwaku kana kūgūrū gwaku nī gwa gū-kūhīngithia, gūtinie, ūgūte; nī kaba gūtonya muoyo-inī wī kīo-nje kana gīthua, kūrī gūikio mwa-ki-inī ūrīa ūtahorekaga, wī na moko merī kana magūrū merī.

Mathayo 13:41, 42

Mūrū wa mūdū nīakarekia araike ake, nao nīmagacokereria maūdū mothe marīa mahīngi-

thagia andū, o na andū arīa me-kaga ūūru, moimio kūrīa aatha-naga, mamaikie icua-inī rīrīa ine-ne rīa mwaki: kūu nīkuo gūkagīa kīrīro, na kūhagarania magego.

Mathayo 25:46

Nao andū acio nīmagathiī kū-rīa kūherithanagīrio tene na tene: no rīrī, arīa athingu nīmagatonya muoyo-inī wa tene na tene.

2 Petero 3:7

No rīrī, Igūrū rīrīa rīī ho rīu, o na thī, nī kūigīrūo ciigīrūo mwaki, nī ūndū wa kiugo o ro kīu, igagīeterera mūthenya ūrīa wa cira, o na wa kūninwo kwa andū arīa matetigagīra Ngai.

2 Akorintho 5:10

Tondũ-rĩ, no mũhaka ithuothe tũkoneka ũrĩa tūtariĩ tũrĩ mbere ya gĩtĩ gĩa Kristo kĩa gĩa ituĩ-ro, nĩ getha o mündũ akaheo kĩa aagĩrĩrũo nĩ kũheo nĩ ũndũ wa maündũ marĩa aaneka arĩ na mwĩrĩ, maakorũo marĩ mega kana marĩ moru.

1 Johana 4:17

Ūguo-rĩ, nĩguo wendani ūtũ-magwo ūkinyanĩre harĩ ithuĩ, nĩ getha tũkahota kũũmĩrĩria mũthenya ũrĩa wa gũtuĩrũo cira; nĩ ũndũ, o ta ũrĩa we atariĩ, no taguo ithuĩ tũikaraga tũhaana twĩ gũkũ thĩ.

Atũmwo 17:31

Amu nĩ gũtua atuĩte mũthenya ũrĩa agatuĩra andũ cira na kĩ-hooto, arĩa matũire gũkũ thĩ guothe, na ũndũ wa Mündũ ũrĩa athurĩte; na nĩamenyithĩtie andũ othe atĩ ūhoru ūcio nĩ wa ma nĩ ũrĩa aamũriũkirie oime kũrĩ arĩa akuũ.

2 Petero 2:9

Hakĩrĩ ūguo-rĩ, Mwathani nĩoi kũhonokia andũ arĩa mamwĩa-mũrĩre moime magerio-inĩ, na gũikarithia andũ arĩa aaganu makĩherithagio o nginya rĩrĩa mũthenya ũrĩa wa cira ūgakinya.

2 Akorintho 8:9

Amu nīmũũĩ Wega ũrĩa Mwa-
thani witũ Jesu Kristo aarĩ nago,
mũgakĩmenya atĩ o na aarĩ gĩ-
tonga, nĩaatuĩkire ngĩa nĩ ũndũ
wanyu, nĩ getha inyuĩ mĩtuĩke
itonga nĩ ũndũ wa ũrĩa we
aakĩarĩte.

Atũmwo 4:33

Nao atũmwo nĩmaaheanaga
ũira wao wa kũriũka kwa Mwa-
thani Jesu me na hinya mũnene.
Nao othe magĩitĩrĩrio Wega wa
Ngai mũingĩ.

Tito 3:7

Nĩ getha tũtuwo athingu nĩ
ũndũ wa Wega wake, na agai a

gũkagaĩrũo muoyo ũrĩa ũtagathi-
ra, kũringana na ũrĩa tũtũire
tũwĩrĩgĩrĩire.

2 Akorintho 9:15

Nake Ngai arocokerio ngatho
nĩ ũndũ wa kĩheo gĩake gĩtangi-
gĩka na ciugo ũrĩa gĩtariĩ!

Aroma 9:16

Tondũ ũcio-rĩ, ũguo nduone-
kaga nĩ ũndũ wa ũrĩa mũndũ
ekwenda, kana wa ũrĩa mũndũ
erutanagĩria, no nĩ ũndũ wa ũrĩa
Ngai aiguanagĩra tha.

1 Petero 5:5b

. . . ũndũ Ngai nĩareganaga na
arĩa etĩ, no arĩa menyihĩtie
nĩamakinyagĩria Wega wake.

Luka 13:3

Ngūmwīra atīrī, Tiguo: no rī-rī, mūngiāga kwīrira, inyuothe mūkaninwo o tao.

Atūmwo 2:38

Nake Petero akīmera atīrī, Mwīrirei, mūcoke mūbatithio o mūndū o mūndū thīnī wa rī-twa rīa Jesu Kristo, nīguo muo-herūo mehia manyu; na nīmū-kūheo kīheo kīa Roho Mūtheru.

2 Akorintho 7:10

Nī gūkorūo kīeha kīrīa kiuma-ga kūrī Ngai kīrehage ūhoru wa kūhera, ūrīa wa gūtūma mūndū ahonoke, naguo nī ūrīa ūtacokaga kwīrirūo; no rīrī, kīeha kīrīa

kiumaga maūndū-inī ma gūkū thī kīrehage gīkuū.

Mathayo 3:2

Wīrirei, tondū ūthamaki wa Igūrū nīūkuhīhīrie.

Atūmwo 17:30

Namo mahinda marīa andū maatūire matoī maūndū macio Ngai ndaigana kūmoria: īndī rīu nī gwatha aathaga andū othe a kūndū guothe atī merire.

Atūmwo 3:19

Nī ūndū ūcio-rī, wīrirei na mūgarūrūke, nī getha mehia manyu marihūrūo, na hacoke hagie mahinda ma kūrurumūkio moi-mīte kwī Mwathani.

Mathayo 6:14

Nĩ ũndũ akorũo inyuĩ nĩmuo-
hagĩra andũ angĩ mehia mao,
nake Ithe wanyu wĩ Igũrũ nĩarĩ-
muohagĩra inyuĩ.

Kũguũrĩrio 3:20

Atĩrĩrĩ, nũngĩ mũrango-inĩ
ngĩũringaringa; mũndũ aaigua
mũgambo wakwa na aahingũra
mũrango, nĩngũtonya harĩ we,
ndĩanĩre irio nake, nake arĩanĩre
na nĩ.

Ezekieli 18:21

No mũndũ ũrĩa mwaganu angĩ-
garũrũka atigane na mehia make
mothe marĩa ehĩtie, na ahingie
irĩra ciakwa ciothe cia watho wa

kũrũmĩrĩrũo, na acoke gwĩka
maũndũ marĩa maagĩrĩre na
marĩa ma ũthingu, ndarĩ hingo
atagatũũra muoyo; ũcio ndaga-
kua.

Isaia 55:7

Mũndũ ũrĩa mwaganu nĩati-
gane na mĩthiire ĩo yake, nake
mũndũ ũrĩa ũtarĩ mũthingu nĩ-
tĩge kũrũmĩrĩra meciria macio
make. Nĩacokerere Jehova, nake
nĩekũmũiguĩra tha, nĩacokerere
Ngai witũ, nĩ ũndũ nĩakĩragĩ-
rĩria wohanĩri.

Mariko 2:5

Nake Jesu ona ũrĩa metĩkĩtie,
akĩira ũcio mũrũaru atĩrĩrĩ, Mũ-
riũ, nĩwoherũo mehia maku.

Aefeso 5:11

Ningĩ mūtikanagĩe ngwatanĩro na arĩa marutaga mawĩra ma nduma-inĩ, marĩa matarĩ na maciaro, no kaba mũmaguũragie moimbũke.

1 Johana 2:15, 16

Mūtikende ũhoru wa thĩ, o na kana maũndũ marĩa me kuo gũkũ thĩ. Mũndũ aakorũo nĩenda ũhoru wa thĩ, kwenda Ithe witũ ndarĩ nakuo ngoro yake. Amu-rĩ, maũndũ mothe marĩa me gũkũ thĩ, mwĩrirĩrio wa mwĩrĩ, na mwĩrirĩrio wa maitho, na nguthi cia muoyo ũyũ tũrĩ-rĩ, maũndũ ma-

cio matiumanĩte na Ithe witũ, nĩ ma thĩ.

Isaia 1:16

Wĩthambei mwĩtherie, mũgĩ-thengie ũũru wa ciĩko cianyu, ndige kũwona; tiganai na ũũru.

Tito 2:11, 12

Nĩ ũndũ Wega wa Ngai nĩwonekete, ũrĩa ũreheire andũ othe ũhonokio, naguo nĩguo ũtũmenyagĩria kũregana na maũndũ mothe marĩa mataiguaine na ũhoru wa kwĩamũrĩra Ngai, o na merirĩria marĩa moru ma gũkũ thĩ, na tũikarage twĩ na ũũgĩ wa ngoro, na tũrĩ athingu, na twĩamũrĩre Ngai mahinda maya tũrĩ.

2 Akorintho 5:17

Tondū ūcio-rī, mūdū angīko-rūo arī thīnī wa Kristo-rī, nīagarūrūkīte agatuīka mūdū ūngī mwerū: maūdū marīa ma tene nīmathirīte; nī atīrī, nīmatuīkīte mangī merū.

1 Johana 5:18

Nītūūī atī mūdū o wothe ūrīa ūciarīt看 nī Ngai ndehagia, īndī ūrīa waciarirūo nī Ngai nīamūīkaragia, nake ūrīa mūūru ndangīmūhutia.

1 Petero 1:23

Nī ūndū wa ūrīa mūciarīt看 rīngī mūciarīre ūrīa ūtoimanīte na mbeū īrīa ībuthaga, tiga

o īrīa ītabuthaga, na ūndū wa Ūhoro wa Ngai, o Ūhoro ūrīa wī muoyo na ūtūūraga tene na tene.

Ezekieli 36:26

O na ningī nīngamūhe ngoro īngī njerū, o na ndīmwīkīre roho ūngī mwerū thīnī wanyu, na ndīmwehererie ngoro īrīa nyūmū ta ihiga īmuume mīrī-īnī yanyu, njoke ndīmūhe ngoro īngī njororo ta nyama.

Johana 3:3

Nake Jesu agīcokia akīmwīra, Ndakwīra atīrī, o ma, ma, Mūdū aaga gūciarūo rīngī, ndangīhota kuona ūthamaki wa Ngai.

GŪKUA NĪ ŪNDŪ WA MEHIA — KŪRIŪKA 29

THĪINĪ WA KRISTO

1 Petero 2:24

Nake nīaakuire mehia maitū we mwene mwīrī-inī wake e mūtī igūrū, nī getha ithuī tūkorūo tūkuīte ha ūhorō wa mehia tūga-tigana namo, tūcoke tūtūūre muoyo twīkaga o maūndū ma ūthingu; nayo mītunda īrīa aahūrīrūo nīyo yatūmire mūhone.

Aroma 6:2 na 11

Kaī ithuī arīa twakuire, tūgīthenga ūhorō-inī wa kwīhia o gūthenga-rī, tūngīgītūūra atīa o twīhagia? . . . Na inyuī, o ūndū

ūmwe, wīonagei ta arī gūkua mūkuīrīire ūhorō wa wīhia mūthenge harī guo, naguo muoyo ūcio mwī naguo mūtue atī mūrī a gūtūūra mūtūūrīre werekeire o Ngai, mwī thīinī wa Kristo Jesu.

Aefeso 2:1 na 6

O na inyuī-rī, Ngai nīaatūmire mūgīe na muoyo, rīrīa mwarī akuū nī ūndū wa mahītia o na mehia manyu. . . na agītūriūkanīria hamwe nake, agītūikaria hamwe nake kūrīa Igūrū, twī thīinī wa Kristo Jesu.

Aroma 6:23

Nĩ gũtuĩka mũcara wa wĩhia
nĩ gĩkuũ, no kĩheo kĩrĩa Ngai
aheanaga kiumanĩte na Wega
wake nĩ muoyo wa tene na tene,
ũrĩa wĩ thĩinĩ wa Kristo Jesu
Mwathani witũ.

Johana 5:24

Ndamwĩra atĩrĩrĩ, o ma, ma,
Mũndũ ũiguĩte uuge wakwa na
agetĩkia ũrĩa wandekirie, e na
muoyo wa tene na tene, na ti wa
gũcirithio; nĩarĩkĩtie kuuma gĩ-
kuũ-inĩ agatonya muoyoinĩ.

Johana 3:36

Ūrĩa wĩhokete Mũriũ e na
muoyo wa tene na tene; nake

ũrĩa ũregete kũigua Mũriũ, we
ndakona muoyo; egũtũũra o ara-
karĩrũo nĩ Ngai.

Johana 14:1, 2

Mũtigatangĩke ngoro; nĩmwĩ-
hokete Ngai, na nĩ mwĩ'hoke.
Nyũmba ya Awa kwĩ na itũũro
nyingĩ; gũtangĩrĩ ũguo, ingĩrĩ
kũmwĩra; nĩ gũkorũo ngũthĩ kũ-
mũthondekera handũ.

Johana 3:14, 15

Na ta ũrĩa Musa aahaicirie
nyamũ-ya-thĩ igũrũ werũ-inĩ, no-
guo Mũrũ wa mũndũ e na bata
ahaicio igũrũ: nĩ getha mũndũ
o wothe wĩtikĩtie agĩe muoyo
wa tene na tene thĩinĩ wake we.

Isaia 32:17

Na rĩrĩ, ūndũ ūrĩa ūkoimana
na ūthingu ūcio nĩ thayũ mũtheri,
o namo maũndũ marĩa makoneka
moimanĩte naguo nĩ atĩ andũ ma-
tũũre mahoreire gũtarĩ ūgwati
tene na tene.

Johana 14:21

Ūrĩa ūikaraga na maathani ma-
kwa na akamamenyagĩrĩra-rĩ, ūcio
nowe ūnyenda; nake ūrĩa ūnye-
nda nĩariendagwo nĩ Awa, o na
nĩ nĩndĩĩmwendaga, na ndĩĩoni-
thagie we.

1 Johana 3:18, 19

Twana twakwa nĩtūtigage
kwendana na ciugo kana na ka-

nua gatheri; nĩtwendanage na cĩ-
ko o tũkĩendanaga na ma. Ūguo
nĩguo tũrĩmenyaga tũrĩ a ūhoro-
ũrĩa-wa-ma, na twĩninage nganja
ngoro, twĩ mbere yake.

Agalatia 4:6

Na tondũ mũkĩrĩ ciana ciake,
nĩkĩo Ngai aarekirie Roho wa
Mũrũ wake atonye thĩnĩ wa
ngoro ciitũ, aanagĩrĩre akiugaga
atĩrĩ, Abba, Baba.

1 Johana 4:13

Ūndũ ūrĩa tũmenyaga naguo
atĩ nĩtūtũire thĩnĩ wake, nake
agatũũra thĩnĩ witũ, nĩ ūyũ, atĩ
nĩatũgaĩre Roho wake.

32 KRISTO ARĪ THĪNĪ WITŪ TŪGĪAGA NA GĪKENO

Agalatia 2:20

Nīnyambanīrio na Kristo mūtī igūrū, no ndī o muoyo; īndī rīu ti nī ndūūraga muoyo, nī Kristo ūtūūraga muoyo thīnī wakwa: nago muoyo ūrīa ndūūraga nago rīu, ndī na mwīrī, ndūūraga nago no ūndū wa gwītīkia Mūrū wa Ngai, o we wanyendire, agīkīruta nī ūndū wakwa.

Aefeso 3:17a

Ningī atī Kristo atūūrage ngo-ro-inī cianyu nī ūndū wa ūrīa mwītīkītie. . .

Thaburi 16:11

Ūrīnyonagia njīra o īrīa ya muoyo: harīa wee ūrī he na hūni

cia gīkeno; guoko gwaku kwa ūrīo, nginya tene o na tene, kuumaga maūdū me mūrīo.

Aroma 14:17

Nī ūndū ūthamaki wa Ngai ti ūhoru wa kūrīa na kūnyua, no nī wa ūthingu, na thayū, o na gīkeno, iria ciumaga kwī Roho Mūtheru.

Johana 17:13

Īndī rīu nīngūūka kūrī wee, na maūdū maya ndīroigīra o gūkū thī, nī getha maikarage na gīkeno gīakwa gī gīkinyanīru kūna ngo-ro-inī ciao.

Isaia 12:3

Tondū ūcio mūgatahaga maī ithima cia ūhonokanio mūkenete.

1 Samueli 12:15

No riri, mwaaga kugua uge wa Jehova, no murege kugua maathani ma Jehova, guoko kwa Jehova nigukumukira o ta uria gwokirire maithe manyu.

2 Athesalonike 1:7-9

Indi na inui mutuire munyariragwo-ri, amurihe na uhuruko hamwe na ithui, hinda iria Mwathani witu Jesu akaguuranirio oimite Iguru, me hamwe na arai-ka ake aria me na uhoti, moki-ke me na mwaki ukurimbuka. Nake niakerihiria kuri andu aria matoi Ngai, o na aria mataathi-kaga ni Uhoru-uria-Mwega wa

Mwathani witu Jesu. Nao nima-kaherithio na kwanangwo kuria gutagathira, matikanae kuona utiui wa Mwathani, o na kana riri wake uria wi na ukaru.

Gucokerithia Maathani

11:26-28a

Atiriri, muthenya uiu wa umuthi-ri, ni kuche ngumuhe uhoru wa kirathimo, o na wa kirumi; kirathimo-ri, murirathimagwo hinda iria muguite maathani ma Jehova, Ngai wanyu, o maria ngumutaara namo ngimwatha umuthi; nakio kirumi-ri, murirumagwo hinda iria mwarega kugua maathani ma Jehova Ngai wanyu. . .

Mathayo 10:32, 33

Nĩ ūndũ ūcio-rĩ, o mūdũ ūkoi-
mbūra kūrĩ andũ atĩ nĩ wakwa,
niĩ o na niĩ nĩngamuumbūra kūrĩ
Awa ūrĩa wĩ Igūrũ atĩ nĩ wakwa.
No mūdũ ūrĩa ūkangaana kūrĩ
andũ, o na niĩ nĩngamũkaana kūrĩ
Awa ūrĩa wĩ Igūrũ.

1 Johana 2:23

Ūrĩa o wothe ūkaanaga Mūriũ,
ūcio ndarĩ na Ithe witũ; ūrĩa wĩ-
tĩkĩtie Mūriũ arĩ na Ithe o nake.

Aroma 10:9, 10

Tondũ-rĩ, ūngiumbūra na ka-
nua gaku atĩ Jesu nĩwe Mwatha-
ni, o na gwĩtikia wĩtikie na ngoro
yaku atĩ Ngai nĩamūriũkirie oi-

me kūrĩ arĩa akuũ, no ūhonoke:
nĩ gūkorũo nĩ ngoro mūdũ etĩ-
kagia nayo agagĩtuwo mũthingu,
na nĩ kanua oimbūruga nako aga-
kĩhonoka.

Afilipi 2:11

O na ningĩ atĩ nĩmĩ ciothe
ciumbūrage atĩ Jesu Kristo nĩwe
Mwathani, nĩ getha Ngai Ithe
witũ agoocagwo.

Luka 9:26

Nĩ gūkorũo mūdũ o wothe
angĩconoka nĩ niĩ, na aconokere
ciugo ciakwa, nĩwe ūgaconoke-
rũo nĩ Mūrũ wa mūdũ rĩrĩa ago-
ka arĩ na riri wake mwene, na wa
Ithe, o na wa araike arĩa atheru.

Aefeso 6:11

Wiohei indo ciothe cia Ngai
cia ita, nĩ getha mũhote gwĩtiiria
mawara ma mũcukani.

Mathayo 4:1 na 10, 11

Hĩndĩ ĩo Jesu nĩaatwarirũo
nĩ Roho werũ-inĩ nĩguo akagerio
nĩ mũcukani. . . Hĩndĩ ĩo Jesu
akĩmwĩra atĩrĩ, Thiĩ, ndiga, Shai-
tani, tondũ ũhoro nĩwandĩkĩtwo,
Turagia ndu ũgoocage Mwathani
Ngai waku, na ũmũtungatagĩre o
we wiki. Hĩndĩ ĩo mũcukani akĩ-
mũtiga, na atĩrĩrĩ, araika magĩũka
makĩmũtungatĩra.

Atũmwo 26:18

Nĩguo ũkamahingũre maitho,
magarũrũkĩre ũtheri matigane na

nduma, o na magarũrũkĩre Ngai
matigane na hinya wa Shaitani;
nĩ getha marekagĩrũo mehia mao
na magairũo igai hamwe na arĩa
maamũritwo magatherio nĩ ũndũ
wa kũnjĩtikia.

1 Petero 5:8

Ikaragai mũterigĩtwo, na mwĩ-
hũgage. Atĩrĩ, mũcukani, thũ ya-
nyu, acangaga ta mũrũthi ũkũra-
rama, agĩcaragia mũndũ wa gũ-
tambura.

2 Akorintho 2:11

Nĩ getha tũtikahĩtwo nĩ Shai-
tani, one ũndũ wa gũtũhoota
naguo; amu maũndũ marĩa athu-
gundaga tũtirigagwo nĩmo.

Ahibirania 2:14

Hakĩrĩ ũguo-rĩ, kuona atĩ ciana icio nĩgwatanĩre mwĩrĩ na thakame-rĩ, we nake no taguo egwa-tĩre mũthemba o ũcio, nĩ getha atĩ, tondũ wa gũkua, aanange ũrĩa mwene hinya wa gĩkuũ, nĩwe mũcukani.

Aroma 8:35 na 37

Nũ ũngĩtūtigithũkania na wendani wa Kristo? Anga nĩ kuona thĩna, kana kwĩhĩrũo nĩ ruo, kana kũnyarirũo, kana ng'aragu, kana kwaga nguo, kana ũgwati, kana rūhiũ rūa njora? . . . No rĩrĩ, o na tũkĩonaga maũndũ macio mo-

the-rĩ, gũtoria tũrĩ atoria o makĩria nĩ ũndũ wa Ūcio watwendire.

1 Johana 3:8

Ūrĩa wĩhagia nĩ wa mũcukani, amu mũcukani atũire ehagia kuumo o kĩambĩrĩria. Ūndũ ũrĩa wātũmire Mũrũ wa Ngai onithanio nĩ rĩrĩ, nĩ getha atharũrie wĩra wa mũcukani.

2 Athesalonike 2:8

Na hĩndĩ io-rĩ, nĩrĩo mũndũ ũrĩa mũregi watho akaguũranĩrio, nake nĩwe Mwathani Jesu akoraga na mĩhũmũ ya kanua gake na amwagie kĩene, nĩ ũndũ wa ũrĩa akonanio acokete gũkũ thĩ.

WENDANI, NĪGUO ŪTŪMENYITHAGIA TŪRĪ ARUTWO

37

Johana 21:16

Akīmūūria rīngī hingo ya kerī, atīrī, Simoni wa Jona, nīūnyendete? Akīmwīra, Īi-ni, Mwathani, wee nīūūī nīngwendete. Nake akīmwīra atīrīrī, Rīithagia ng'onduciakwa.

Agalatia 5:22, 23a

No maciaro ma Roho nīmo maya, nī wendani, na gīkeno, na thayū, na gūkirīrīria, na gūtugana, na gwīkana wega, na kwīhokeka, na kūhorera, na kwīgīrīrīria merirīria ma mwīrī. . .

1 Johana 4:20

Mūndū angīkorūo oigaga ūū, Nīī nīnyendete Ngai, na nīathūire

mūrū wa ithe-rī, ūcio nī wa maheni; amu-rī, ūrīa ūtendete mūrū wa ithe ūrīa atūire onaga, nda-ngīhota kwenda Ngai atakīrī aamuona.

Johana 13:35

Nī ūguo andū othe marīmenyaga mūrī arutwo akwa, mwatūūra mwendaine.

1 Akorintho 13:1

Atīrīrī, o na ingītuīka atī nī-thiomaga thiomī cia andū o na cia araika, na ngorūo itarī na wendani-rī, no njikare ta ndī o kīndū kīa rūthuku kīrīa kīnegenaga kīaringwo, kana ta thani iria ihūrithanagio ikagamba karagaca!

Mariko 16:9

Na rīrī, aarīkia kūrīūka rūcinī tene mūthenya wa kwambīrīria kiumia, aambire kuumīrīra Mariamu Mūmagidali, ūrīa aarutite ndaimono mūgwanja.

Johana 20:26-28

Ningī matukū maathira anana, arutwo ake maarī kuo rīngī kūu nyūmba thīnī, na maarī na Toma. Nake Jesu agīūka, mīrango īrī mīhinge, akīrūgama gatagatī-inī, akiuga, Gīai na thayū. Agīcoka akīra Toma atīrī, Rehe kīara gīaku haha, ūrore hī ciakwa; na ūrehe guoko gwaku, ūtonye mbaru-inī ciakwa; na ūtige

gūtuīka wa kūrega gwītīkia, ūtuīke wa gwītīkia. Toma agīcokia akīmwīra atīrī, Mwathani wakwa, Ngai wakwa!

Atūmwo 10:39-41

Na ithuī-rī, tūrī aira a maūndū macio mothe ekire kūu būrūrī wa Ayahudi, o na Jerusalemu. Nake nīoragirūo nī andū na kūmūcuuria mūtī igūrū. Nīwe Ngai aariūkirie mūthenya wa gatātū, agītīkīra atī acoke kuoneka — no ti kuonwo nī andū othe, tiga o aira arīa maathurirūo o mbere nī Ngai, nao nīo ithuī, o ithuī arīa twarīaga na tūkanyuaga hamwe nake, aarīkia kūrīūka akoima kūrī arīa akuū.

Aroma 6:4, 5

Tondū ūcio-rī, twabatithio, nī gūthikwo twathikirūo hamwe nake gīkuū-inī kīu: nī getha atī, o ta ūrīa Kristo aariūkirio agīkiuma kūrī arīa akuū nī hinya wa riri wa Ithe, ithuī na ithuī tūtūūre na mītūūrīre ya muoyo mwerū. Amu twagīkorūo nī gūciarithanio tūciarithanītio nake na kīgerekano kīu gīa gūkua gwake-rī, no taguo tūgūtūūra tūciarithanītio nake na kīgerekano gīa kūrīūka gwake o nakuo.

Mathayo 16:21

Gwata hīndī io Jesu agīitika kūmenyithia arutwo ake atī no kinya athī Jerusalemu, na athī-

nio na maūndū maingī moru nī athuri, na athīnjīri-Ngai arīa ane-ne, na aandīki-marūa, na oragwo, na mūthenya wa gatatū nīakariūkio.

Johana 5:25 na 28, 29

Ndamwīra atīrī, o ma, ma, Kwī hingo iroka, o na rīu no nginyu, andū arīa akuū makaigua mūgambbo wa Mūrū wa Ngai; na arīa mekūigua magīe na muoyo. . . Mūtikagege nī ūhorō ūcio; amu kwī hingo iroka arīa othe me thīinī wa mbīrīra makaigua mūgambbo wake, na moime kuo, arīa mekaga wega moimīre iriūkīro rīa muoyo, na arīa mekaga ūūru moimīre iriūkīro rīa gūcirithio.

Aefeso 1:4

Kūringana na ūrĩa aatũthurire thĩinĩ wake thĩ itanombwo, nĩ getha tũtuĩke atheru na twage kaũũgũ agĩtuona.

1 Petero 1:2

Nĩ gũthurũo mwathurirũo kũringana na ūrĩa Ngai Ithe witũ aamũmenyete o mbere, akamũtheria na Roho, nĩ getha mwathĩkagĩre Jesu Kristo na mũminjaminjĩrio thakame yake. Wegu wa Ngai o na thayũ iromũingĩhĩra.

2 Akorintho 7:1

Na rĩrĩ, endwa akwa, tondũ nĩtwĩrĩirũo maũndũ macio, nĩtwĩtheragiei tũtiganage na ūndũ o

wothe ūrĩa ūthũkagia mũndũ mwĩrĩ o na kana roho, tũkĩhinga-gie ūhoru witũ wa gũtuĩka atheru, o tũgũitigagĩra Ngai.

2 Timotheo 2:21

Hakĩrĩ ūguo-rĩ, mũndũ angĩtheria, atiganage na maũndũ marĩa matarĩ gĩtĩo, no atuĩke ta kĩndũ gĩa gũtĩwo, kĩndũ kĩamũre, o kĩrĩa kĩagĩrĩire mwene nyũmba arutage wĩra nakĩo, na kĩrĩa kĩhaarĩrĩrio wĩra o wothe mwega.

1 Petero 1:15

Indĩ kuona atĩ ūrĩa wamwĩtire nĩ mũtheru, o na inyuĩ tuĩkai atheru mũthĩire-inĩ yanyu yothe.

Ahibirania 13:12

No taguo Jesu nake aanyarirĩ-rũo na nja ya kĩhingo, nĩ getha atherie andũ na thakame yake mwene.

Mathayo 3:11

Nĩ-rĩ, ndĩmũbatithagia na mai nĩguo mwĩrire; no rĩrĩ, Ūrĩa ũgũũka thutha wakwa arĩ na hinya kũrĩ nĩ, na ndiigaine nĩ ndĩmũkuũre iratũ ciake; Ūcio-rĩ, nĩakamũbatithia na Roho Mũtheru, o na mwaki.

Luka 1:74, 75

Atĩ nĩagatwĩtĩkĩria, twarĩkia kũhonoka moko-inĩ ma thũ ciitũ, Tũcoke tũmũtungatagĩre tũtarĩ na

guoya, Na tũtũũre mbere yake matukũ maitũ mothe tũrĩ atheru na tũrĩ athingu.

Isaia 35:8

Nakuo kũu nĩgũkagĩa njĩra njariĩ ya gĩtwari, o ya barabara, nayo iĩtagwo ũũ: Njĩra irĩa nyamũre; iĩdĩ arĩa matarĩ atheru matikamĩgera, nao arĩa makamĩgera agakoragwo e hakuhĩ nao; tondũ ũcio, o na arĩa akĩgu matikamĩhĩtia.

1 Johana 1:9

Twakiumbũra mehia maitũ, we nĩ mwĩhokeku, o na nĩ mũthingu, agatuohera mehia maitũ, na agatũtheria tũgathirũo nĩ maũndũ marĩa mothe matarĩ ma ũthingu.

Aroma 8:9

No inyuĩ-rĩ, mūtītũire mūrũ-mĩrĩire ũhoro wa mwĩrĩ; mūrũ-mĩrĩire ũhoro wa Roho, akorũo Roho wa Ngai nĩwe ũtũũraga ngoro-inĩ cianyu. No rĩrĩ, mũndũ o wothe ũtarĩ na Roho wa Kristo, mũndũ ũcio-rĩ, ti wake.

Atũmwo 4:31

Na rĩrĩ, maarĩkia kũhoya, handũ hau monganĩte hagĩthingitha; makĩiyũrũo othe nĩ Roho Mũtheru, magĩkĩaria Ũhoro wa Ngai momĩrĩirie.

Atũmwo 1:8a

No nĩmũrĩheo hinya, Roho Mũtheru aarĩkia gũkinya igũrũ rĩanyu: na mũtuĩke aira akwa. . .

Luka 11:13

Nĩguo-rĩ, mwagĩkorũo inyuĩ, na mūrĩ oru, nĩmũũĩ kũheaga ciana cianyu iheo njega, ĩ Ithe wanyu wĩ Igũrũ angĩkĩria atĩa kũhe Roho Mũtheru arĩa mamũhoyaga?

Atũmwo 13:52

Nao arutwo magĩkena o gũkena, na makĩiyũrũo nĩ Roho Mũtheru.

Ezekieli 36:27

Nĩ gwĩkĩra ngamwĩkĩra roho wakwa thĩinĩ wanyu, ndũme mũrũmagĩrĩre irĩra cia watho wakwa, na mũmenyagĩrĩre matuĩro makwa ma cira, mũmekage.

1 Petero 4:12, 13

Endwa akwa, tigai kūgega nĩ ūndũ wa thĩna ūtariĩ ta mwaki ūrĩa ūkiriĩ kũmũkora, ūtuĩke wa kũmũgeria, ta arĩ ūndũ ūkũmũkora ūtarĩ wa ndũire: no rĩrĩ, kenagai, kuona atĩ nĩmũgwatanĩire na Kristo kũnyarirĩka gwake; nĩ getha o na hĩndĩ ĩrĩa riri wake ūkaguũranĩrio, mũgakena o mũgĩcanjamũkaga.

Kũguũrĩrio 21:4

Nake nĩekũmagiria maithori mothe mathire maitho mao; na-kĩo gĩkuũ gĩtirĩ hingo gĩgacoka kũgĩa, o na gũtirĩ hingo gũgacoka kũgĩa na kĩa, kana kĩriro, kana

ruo; maũndũ marĩa ma mbere nĩ mathengu magathira.

Isaia 66:2

Nĩ ūndũ-rĩ, indo icio ciothe ciathondekirũo nĩ guoko gwakwa, nĩkĩo ciagiĩre igagĩtũũra o kuo; ūguo nĩguo Jehova ekuuga. No rĩrĩ, mũndũ ūyũ nowe ngũiguĩra tha, o we ūrĩa ūikaraga enyihĩtie, na akagĩa na ngoro ĩherete, na akainainio ngoro akĩĩrutanĩria nĩ gũtĩa ūhoru wakwa.

Thaburi 37:3

Wĩhokage o Jehova, na wĩkage wega; wĩtũũrĩre o bũrũri-inĩ, na ūthingatage o wĩhokeku.

Thaburi 34:19

Maũũru no maingĩ makoraga
ũrĩa mũthingu, ĩndĩ, Jehova nĩa-
mũteithũraga harĩ mo mothe.

Aroma 8:28

Ningĩ nĩtũũĩ atĩ harĩ andũ
arĩa menda Ngai, nĩo arĩa metĩ-
two nĩwe kũringana na ũrĩa aathu-
gundire eke-rĩ, maũndũ mothe
nĩmateithanagia hamwe namare-
hagĩre kĩrathimo.

1 Akorintho 10:13

Mũtirĩ mwagerio na magerio
matonagwo nĩ andũ othe; na rĩrĩ,
Ngai nĩ mwĩhokeku, na ndangĩ-
tĩkĩra mũgerio na magerio makĩ-
rite marĩa mũngĩhota gwĩtiiria; no

hĩndĩ ĩrĩa mũkũgerio nĩarĩmuo-
nagĩra njĩra ya kũhonokera, nĩ
getha mũhote gwĩtiiria magerio
macio.

Isaia 43:2

Hĩndĩ ĩrĩa ũkũgera maĩ-inĩ
ũkĩhītũkĩra kuo-rĩ, ndĩrĩkoragwo
ndĩ hamwe nawe; o na ũkĩgera
njũĩ-inĩ-rĩ, itigakũrindania; o na
hĩndĩ ĩrĩa ũkũgera mwaki-inĩ-rĩ,
ndũgacinwo nĩguo, o na kana
ũrĩrĩmbũkĩrũo nĩ rũrĩrĩmbĩ rũa-
guo.

Ahibirania 2:18

Amurĩ, kuona atĩ we mwene
nĩaathĩnĩkire akĩgeragio, nĩahota-
ga gũteithia andũ arĩa mageragio.

Kūguūrīrio 3:5

Ūrīa wa gūtorania-rī, agakīhu-
mbwo nguo icio njerū; na ndirī
hīndī ngatharia rīitwa rīake rī-
thenge thīinī wa ibuku rīrīa
rīa muoyo, na nīngetikīra rīitwa
rīake harī Awa, na harī araika
ake.

Kūguūrīrio 3:12

Ūrīa wa gūtorania-rī, nīnga-
mūtua gītugī kīa hekarū ya Ngai
wakwa, na ndarī hingo agacoka
kuuma kuo, o na rī; na nīnga-
mwandīka rīitwa rīa Ngai wa-
kwa, o na rīitwa rīa itūūra rīa
Ngai wakwa, nīkuo Jerusalemu
irīa njerū, irīa ya kuuma Igūrū

kwī Ngai wakwa, o na ndīmwa-
ndīke rīitwa rīakwa mwene
rīrīa rīerū.

Kūguūrīrio 2:7

Ūrīa ūrī gūtū, nīakīgue ūrīa
Roho arera makanitha. Ūrīa wa
gūtorania-rī, we nīngamwītīkīria
arīage maciaro ma mūtī wa muo-
yo, ūrīa wī mūgūnda wa kwa
Ngai, kūrīa maroho ma arīa me-
tikītie mathiaga.

Kūguūrīrio 3:21

Ūrīa wa gūtorania-rī, we nī-
ngamwītīkīria aikarīre gītī gīa-
kwa gīa ūthamaki hamwe na nīī,
o ta ūrīa nīī na nīī ndatoranirie,
na ngīikaranīra hamwe na Awa
gītī giake gīa ūthamaki.

NGAI NTARAGIA NA ITHUŪ ŪHORO-INĪ WA GŪTHARIA ŪHIKI

Mathayo 5:32

No nī ngūmwīra atīrī, atī o mūdū ūrīa ūngīte mūtumia wake, tīga o ūndū wa ūtharia, nīe-gūtūma atuīke mūtharia: na nīngī o mūdū ūrīa ūkamūhikia hīndī ū atēetwo, ūcio no atuīke nīatharītie.

Aroma 7:2, 3

Amu mūtumia o wothē ūrīa wī na mūrūme-rī, aikaraga mohanītio na mūthuriwe nī watho o hīndī īrīa mūthuri ūcio e muoyo; no rīrī, mūthuri angīkorūo nīaa-kua-rī, mūtumia ūcio nīaatigithūkana na watho ūcio ūramuohitha-

nītīe na mūthuriwe. Tondū ūcio-rī, angītuīka wa mūdū mūrūme ūngī hīndī ūo mūthuriwe e muoyo, mūtumia ūcio no atuwo mūtharia; no rīrī, mūthuriwe angīkorūo nīakuīte-rī, hīndī ūo arīikaraga ta ohoretwo harī watho ūcio; o na angīhikio nī mūdū ūngī-rī, mūtumia ūcio ndangītuīka mūtharia.

Luka 16:18

O mūdū ūrīa ūngīte mūtumia na ahikie ūngī, nīatharanītīe: nake mūdū ūrīa ūkahikia ūrīa ūteetwo nī mūthuriwe, nīatharanītīe.

Kūguūrīrio 3:11

Nīngūūka o narua; gwatagīria maūndū marīa wī namo, mūndū o na ūrīkū ndakanae gūthī na thūmbī yaku.

Mathayo 24:30

Na hīndī ūo kīmenyithia kīa Mūrū wa mūndū nīgīkoneka kūrīa igūrū: ningī hīndī ūo iruka ciothe cia thī nīikagīa na kīeha, na nīikona Mūrū wa mūndū agīūka arī igūrū rīa matu ma igūrū, na arī na hinya na riri mūingī.

Johana 14:3

Na ndathiī ndamūthondekera handū, nī gūcoka ngacoka, ndī-

mūtware mūgaikarage o harī nī, nīguo harīa ndī, na inyuī mūgīage ho.

Mathayo 24:27

Tondū o ta ūrīa rūheni ruu-maga o kūrīa irathīro, na rūkonwo o kinya ithūiro, ūguo noguo gūūka kwa Mūrū wa mūndū gūkahaana.

Mariko 8:38

Amu-rī, mūndū o wothe ūgaconoka nī nī, na aconokere ciugo ciakwa hingo ya rūciaro rūrū rūa ūtharia na rūa mehia, nīwe ūgaconokerūo nī Mūrū wa mūndū, rīrīa agoka e na riri wa lthe na me na arāika arīa atheru.

1 Johana 3:2

Endwa akwa, rīu tūrī ciana cia Ngai, na gūtīrī kūrāmenyithanio ūrīa tūgaikara thutha. Nītūūī atī o rīrīa we akonithanio, tūkahaana nake; nī gūkorūo tūkamuona o ūrīa atariī.

Mathayo 16:27

Tondū rīrī, Mūrū wa mūdū ndarī hingo atagoka e na riri wa Ithe, hamwe na arāika ake; na hīndī īo nīagatuīra o mūdū o ūrīa ūringaine na cūko iria aaneka.

Luka 21:27

Na hīndī īo nīguo makona Mūrū wa mūdū agīūka na itu, arī na hinya na riri mūingī.

Luka 12:40

O na inyuī ikaragai mwīhaa-rīrie: nī gūkorūo Mūrū wa mūdū nīagoka o thaa īrīa mūtegereirie.

Kūguūrīrio 16:15

Atīrīrī, ngūūka ta mūici. Gūkena-rī, nī ūrīa ūikaraga ehūgīte, na amenyereire nguo ciake, ndakae gūthī njaga, na onwo aconoke.

Atūmwo 1:11

Makīmoria atīrī, Inyuī andū a Galili, nī kī gītūmīte mūrūgame mūcūthīrīrie Igūrū? Jesu, o ro ūcio watwarūo Igūrū oime harī inyuī, nīagacoka rīngī o ro ūguo mwamuona agīthī Igūrū.

Kabuku gaka “ŨTEITHIO UUMĪTE MATU-INĪ” gathondeketwo karĩ kanyinyi nĩguo ũhote gũgakua mũhuko-inĩ waku ũgathomage rĩrĩa ũtarĩ na wĩra ũraruta kana wetereire ngari. Maũndũ marĩa maandĩkĩtwo ho mathurĩtwo kuuma thĩinĩ wa Ibuku rĩa Ngai tondũ nĩho hangĩoneka ciugo itarĩ mũndũ ũngĩcikararia.

Mũgambo wa Ngai “uumaga matu-inĩ” naguo nĩ wa bata mũno harĩ ngoro ciitũ iria ihũtiĩ o na ikanyota nĩ ũndũ wa ũthingu wa ngoro. Mũndũ o wothe arĩkia kũhera mehia make na ma, na etĩkia Mũhonokia, o We Jesu Kristo, na ngoro yake yothe-rĩ, Mwathani nĩarĩmwĩyonithagia thĩinĩ wa ngoro yake o na amũhe gĩkeno gĩake na thayũ thĩinĩ wa mwĩtikia ũcio. Ndahonokirio nĩ Mwathani 1937, na kuuma hĩndĩ io ndũũraga tũrĩ na ngwatanĩro nake. Nĩngũkũringĩrĩria na ngoro yakwa yothe atĩ wakorũo ũtarĩ wahonokio nĩ Mwathani ũhonokio o RĩU, tondũ nĩwe ũhonokagia ehia othe.

— Watson Goodman (1920-2002)

Published in numerous languages by World Missionary Press, Inc., as God supplies funds in answer to prayer. **For questions or more information by country, visit: www.wmp-contacts.org**

World Missionary Press
PO Box 120
New Paris, IN 46553-0120 USA
www.wmpress.org

2-24



Read booklets online or by App
www.wmp-readonline.org

41 Kikuyu HFA